



# Die Rietstok

29<sup>ste</sup> Nuusblad van Streek Rietvallei  
Desember 2014

Sjoe, kan jul glo, Kersfees is om die draai en saam met die vooruitsig, kom vakansie verwagtinge soos rus, kuier, swem en die natuurskoon geniet. Vir die wat wel kan weggaan, geniet dit, en die wat werk en of by die huis bly, geniet dit ook.

Buiten die 10 naweekkampery en ander tussen-in kampery, het ons as Rietvallei streek baie aktiwiteite bygewoon en vermag. Ek herinner jul aan sommige:

- Eredienste, heerlike Boekevat sessies en 'n Nagmaal is gehou;
- Ons vier SAWA se 45 ste bestaansjaar;
- Rietvallei Gemeenskapsuitreike het ingesluit:
  - Oorhandigingsfunksie (Kerkkollekte) aan Horison Sorgsentrum;
  - Geskenkies en verf vir die kinders van Horison Sorgsentrum in Oktober;
  - Kersgeskenk pakkies aan die kinders van Horison Sorgsentrum in Desember;
  - Deelname aan die Helpende Hand Kersgeskenke projek in die Emmanuel gemeente (Rayton) waar ons 132 kersgeskenke aan minderbevoorregte kinders kon oorhandig;
  - Herstelwerk aan 'n private elektriese heining by een van Horison Sorgsentrum se private woning;
- SAWA Presidente;
- Suksesvolle AJV en SAWA Kongres waar nuwe besture verkies en aangestel is;
- Rietvallei se 3de amptelike toer (Swazulu Natuur roete) was suksesvol "getoer";
- Senior Burger aktiwiteite het ingesluit uitstappies en funksies asook besoek aan die Jurgens fabriek;
- Die seniors het 'n nie- amptelike kamp te Hartbeeshoek gehad sonder ons ander;
- Sommige lede het ander streekstoere meegemaak terwyl ander lede die 4x4 kamp ook bygewoon het;
- 'n Baie suksesvolle en lekker Lente Boerefees is gehou in September. Die gees, spanwerk en samesyn wat geheers het kan geen geld koop nie!;
- 'n Bestuurs funksie is gehou waar die nuwe bestuur vir die ou bestuur gegroet het;
- Suksesvolle streeks en gebied vergaderings is gehou en NUB is bygewoon;
- Rietvallei het by Hartbeeshoek 'n "Rietvallei Teetuin vir Seniors" geskep waar die Seniors bederf was met lekkernye uit ons eie kombuise;
- Verskeie saambraaie, buurman braaie, afsluitings en afkondigings, koek en tee asook gesamentlike ontbyte is gehou;
- Verskeie erkennings en toekennings op streek en nasionale vlak is oorhandig;
- Rietvallei het 2 nuwe Erelede bygekry, geluk Oom Fanie en Tannie Alida Venter asook Chris en Ansie Delpont;
- Senior Rietvalleier van die Jaar is aan Fanie Jacobs oorhandig;
- Rietvalleier van die Jaar was Jacques Fourie;

- Rietvalleiertjie van die Jaar is deur Johan de Jongh verdien;
- Stomp van die Jaar moes net eenvoudig aan Willem de Jongh oorhandig word;
- Rietvallei se Jaarafsluitings funksie te Klein Paradys was voorwaar 'n sukses waar elkeen sy eie potjiekos moes bou (en vergeet was die "moenie 'n pot roer nie" – mite?);
- Verskeie lief en leed is ervaar, geboorte dae en huweliksherdenkings is gevier;
- Nuwe lede is voorgestel;
- Gaste was onthaal;
- Aansporingsplaatjies is deurlopend oorhandig;
- Die SAWA webblad is op datum gehou met artikels en ons amptelike Nuusbrief; en
- Die vrugtekoek looting was suksesvol en die wenner eet heerlik.

Nou ja soos jul kan sien was ons besig - baie dankie aan almal wat so aktief deur die jaar bygedra het tot Rietvallei se sukses, so kan ons weereens nog 'n jaar afsluit met 2015 wat vir ons wag - die kampprogram is so opgestel en goedgekeur om naweekcostes laag te hou deurdat tolhekke sover moontlik vermy wil word. 'n Paar nuwe oorde gaan ook hopelik besoek word.

Aan ons nuwe lede, weereens welkom by die Rietvallei gesin, en aan die Jeug, mag elke leerder sy eksamen met sukses slaag!

Hiermee wens ek en Marietjie 'n ieder en elke Rietvalleier, sy gesin en familie 'n Geseënde Christusfees toe.

Groete,

**Tjaart**



## Inhoudsopgawe

- Redaksioneel
- Rietvallei bestuur
- Sielskos
- Pitkos
- Rietvallei nuusbroskies
- Lief en Leed
- Kampnuus
  - \* Drie Berge - Oktober
  - \* Klein Paradys – November
- Uitreik aksies
  - \*Horison Sorgsentrum
  - \*Herstel elektriese heining
  - \*Helpende Hand Kersgeskenke
- Senior Burgerhoekie
- Jeugnuus en -dinge
- Saamtrekplaatjies
- Verjaarsdae
- Huwelikshedenkings
- Knuppeldik
- Lag 'n slag
- Kampprogram
- Adverteer

## Redaksie

Happy moments, praise God.  
Difficult moments, seek God.  
Quiet moments, worship God.  
Painful moments, trust God.  
Every moment, thank God.

Kom ons wees vandag dankbaar!

Daar is ALTYD iets om voor dankbaar te wees.

'n Vriendin sê so 'n ruk terug: 'Sê nou ons word môre oggend wakker, en ons het net die goed waarvoor ons gister dankbaar was ....'

Dit het my BAIE laat dink.

As ons fokus op die goed waarvoor ons kan dankbaar wees is die lewe ook sommer beter en meer positief.

Sê vandag dankie! Vir die mense om ons, maar veral vir God!

*Magdaleen Viljoen*

## Rietvallei Bestuur 2014/2015

### Voorsitter

**Tjaart Klaasen** 082 785 6895  
tjaartjk@absa.co.za

### Ondervoorsitter

**Hans Koekemoer** 082 565 7896  
erhans@absamail.co.za

### Penningmeester

**Annelien Green** 082 711 0134  
dodge38@iafrica.com

### Sekretaris

**Leona Kruger** 071 201 0682  
rietvallei.sawasekr@gmail.com

### Redakteur

**Magdaleen Viljoen** 083 792 3078  
magdaleenv@absa.co.za

### Kampkoördineerder

**Wayne Botha** 083 607 0928  
wayne@witklippies.co.za

### Senior Burgerverteenwoordiger

**Margriet van den Berg** 082 586 0480  
wavdberg@telkomsa.net

### Jeugverteenwoordiger

**Denise Botha** 083 607 0928  
denise@witklippies.co.za

### SAWA Webblad:

[www.sawa.org.za](http://www.sawa.org.za)



## Sielskos

Wees in alle omstandighede dankbaar, want dit is wat God van julle as Christene verwag.  
*1 Tess 5:18*

Sê altyd in die Naam van ons Here Jesus Christus vir God die Vader dankie vir alle dinge.  
*Efesiërs 5:20*



## Die Belangrikste Liggaamsdeel

My moeder het my van jongs af gevra wat is die mees belangrikste deel van my liggaam.

Deur die jare het ek gereeld 'n raaiskoot gewaag sodra as wat ek dink ek ken die antwoord.

Terwyl ek jonger was het ek gedink dat klank baie belangrik vir ons as mense is en ek het geantwoord, "My ore, Mamma."

Sy het gesê, "Nee, daar is baie mense wat doof is. Maar hou aan om daaraan te dink, ek sal jou binnekort weer vra."

'n Paar jaar het verloop voordat sy my weer gevra het. Sedert my eerste probeerslag het ek lank gedink oor die korrekte antwoord.

Die keer vertel ek haar, "Mamma, sig is baie belangrik vir enige iemand, so daarom moet dit my oë wees."

Sy het na my gekyk en gesê, "Jy leer vinnig, maar die antwoord is nie korrek nie want daar is baie mense wat blind is."

Teleurgesteld het ek maar my soektog voortgesit na kennis om die regte antwoord te kry en deur die jare het Moeder my 'n paar keer gevra of ek die antwoord ken en gereeld was haar antwoord, "Nee. Maar jy word elke jaar slimmer my kind."

Verlede jaar is my oupa oorlede. Almal was hartseer en almal het gehuil, selfs my vader wat ek nog net eenkeer van tevore sien huil het. My Moeder het na my gekyk toe dit ons beurt was om blomme op oupa se kis te plaas.

Sy vra my toe, "Weet jy nou al watter is die mees belangrikste deel van die liggaam my kind?"

Ek was geskok omdat sy my die vraag nou vra. Ek het altyd gedink dit was 'n soort spel tussen ons.

Sy het die verwarring op my gesig opgemerk en sê, "Dit is 'n baie belangrike vraag. Dit wys of jy al regtig in jou lewe geleef het. Elke liggaamsdeel wat jy aan my genoem het in die verlede het ek gesê is verkeerd en elke keer ook met 'n rede, hoekom. Maar vandag is die dag wat dit noodsaaklik is dat jy die belangrike les leer."

Sy het afgekyk na my op die manier soos net 'n moeder kan. Ek sien die trane wat opwel in haar oë.

Sy sê, "My kind, die mees belangrike deel van jou liggaam is jou skouer."

Ek vra, "Is dit omdat dit my kop regop hou?"

Sy antwoord, "Nee, dis omdat dit die kop kan hou van 'n vriend of 'n geliefde wanneer hulle huil. Elke mens in die lewe het soms 'n skouer nodig om op te huil. Ek hoop dat jy genoeg geliefdes en vriende het wat altyd 'n skouer sal hê vir jou om op te huil wanneer jy dit nodig het."

Daar en dan het ek geweet dat die mees belangrikste liggaams deel nie 'n selfsugtige deel is nie. Dit is simpatiek teenoor die pyn van ander.

# Qualisame Thermo Flasks



500ml @ R 150.00 elk

700ml @ R 180.00 elk

**083 538 8021 - Lynette**

**083 654 6549 - Tinus**




*Bring die advertensie saam en kry 'n gratis naam opgegraveer*

## Rietvallei nuusbrokkies

- ❖ Alle lede moet asb kennis neem van ons nuwe bankrekening nommer: Absa Tjekrekening nr 9287762381.
- ❖ Ons het op 24 November Kerspakkies vir die kinders en personeel by Horison Sorgsentrum geneem. Dit was heerlik om hulle te bederf.
- ❖ Een van die personeel by Horison Sorgsentrum (Susan) se elektriese heining by haar huis is herstel as 'n Rietvallei uitreik aksie.
- ❖ Ons het ook deelgeneem aan die Helpende Hand se Kersgeskenke projek in die Emmanuel gemeente in Rayton. Daar is 'n total van 132 geskenkies oorhandig.

## Lief en leed

- ❖ Neels de Klerk het in Julie sy linker hakskeen se sening afgebreek. Hy het intussen mooi aangesterk en kamp al;
- ❖ Gideon en Helena se seun was opgeneem vir waarneming maar is intussen weer terug by sy ouers.
- ❖ Willem de Jongh se pa is 8 Desember oorlede. Ons innige simpatie en wense gaan na die familie;



## Kampnuus

# Drie Berge

## 21 – 23 Oktober 2014

Hierdie was die eerste keer wat Denise Botha (Jeugvertegenwoordiger) en die jeug letterlik die hele kamp program hanteer het. Dit het al begin by die opstel en voorlê aan bestuur vir goedkeuring van die program waar hulle ook die aandete en aktiwiteite vir die naweek self gekies het. Annamarie moes maar bont staan om die kos gemaak te kry en seker te maak al die logistiek is in plek vir die kamp. Die jeug meen maar dit is opwaarts deleger. Vrydagaand se vetkoek en kerrie hoender het gevlieg en Rolandie het vir ons liedjies gekies vir die Boekevat.

Denise het die verwelkoming en afkondigings hanteer en daarna vir die lede verduidelik wat die doel was met die 'egg adoption' en dat dit deel was van die naweek se 'Jy is kosbaar' tema. Willem Kruger het sommer binne vyf minute seker gemaak dat die eerste eier breek, en daarvoor het hy Sondag ook 'n prys ontvang. Saterdag oggend was die kleintjies reeds dou voor dag reg om hulle eiers te versier. Hulle het sommer vinnig 'n geleentheid gesien om van die "koelteboomsoekers" se eiers ook te versier. Sodoende was daar teen Sondag oggend net een eier wat nie versier was nie. Elsabé Grobler het die tema van die naweek baie mooi gesnap en gesê haar eier is perfek soos God dit gemaak het, en het nie enige versiering nodig nie.



Eier groepfoto



Eier selfies

Saterdagoggend se hindernisbaan en speletjies by die swembad het sommer vir groot pret gesorg. Wayne het vinnig die verrigtinge geopen deur vir Corné met 'n emmer water te gooi. Die ander nie-SAWA maatjies het sommer vinnig kom vra of hulle ook kan saam speel. Sulke pret kan 'n mens mos nie mis nie! Ons is nie seker wie die 'baseball' in die swembad die meeste geniet het nie, maar een ding is verseker - oud, jonk, SAWA en nie-SAWA het almal lekker baljaar en hulle gate uit geniet. Twee nie-SAWA maatjies het ook van die pryse in die swembad gewen en dit is lekker om te weet dat ons jeug op 'n speel-speel manier, ook so, SAWA se naam uitdra. Later die middag het die jeug waterballonne rond gegooi en moes later al die stukkies ballonne optel voor hulle 'n sjokolade kon kry.

Saterdaggaand se saambraai het uitgereën met 'n groot storm wat menige woonwa en tent nat gelaat het. Selfs die bietjie teëspoed kon nie 'n demper plaas op die vrolike atmosfeer van die naweek nie. Die kamp is Sondagoggend afgesluit met 'n Jeugdiens gevolg deur die tiener weergawe van koek-en-tee naamlik: cupcakes-en-rooikoeldrank

Denise het in Tjaart se afwesigheid vir Hans bygestaan met die afkondigings en uitdeel van die toekennings en plaatjies. Die Rietvalleier van die Jaar trofee is aan Jacques Fourie oorhandig (aangesien hy nie by die AJV was nie) en oom Fanie en Tannie Alida Venter het hul Ere-lidmaatskap ontvang. Na die formaliteite het almal stadig aan begin oppak en teen laat middag was net Willem en Leona oor wat besluit het hulle staan nog 'n aand.

Die jeug het ook deurlopend deur die naweek roomys en koeldrank verkoop en so ook sommer 'n footjie of twee ingewin deur dit vir die lede aan te dra. Dit was lekker om te sien hoe almal spontaan deel was van die naweek en dit het ons net weer gewys dat ons lede nie net wil sit nie, hulle wil deelneem. Dat hulle op hulle eie tyd en eie manier kon deelneem aan die eiersversier was voorwaar 'n wenner en iets waarby ons en ander streke voorwaar kan leer. Ons is almal moeg gejaag agter die horlosie aan gedurende die week en wil nie 'n propvol program hê waarby ons rigied moet inpas nie. Maar as ons egter 'n naweek program kan skep waarby lede op hulle eie tyd en binne hulle eie vermoë kan deelneem het ons 'n wenresep.

SAWA Rietvallei se jeug is kits pret in 'n pakkie.

Al wat jy moet doen is water byvoeg!

*Wayne en Annemarie Botha*



Hans (regs) oorhandig aan Jacques Fourie die trofee vir **Rietvalleier van die jaar.**

## **HANS MOBILE CARAVAN REPAIRS**

Profesionele dienste en klein herstel werke op u perseel.  
Versekerings herstelwerke en groter herstelwerk word  
by ons goed toegeruste werkswinkel gedoen.

Kontak vir Hans by 083 287 9252

# Klein Paradys

## 14 – 16 November 2014

So het die afsluiting vir 2014 gekom en gegaan maar kon dit nie maar net aangegaan het nie. Wat 'n naweek vol dinge was dit nie gewees nie. Almal wat daar was het behoorlik gelag en sommer die naweek ordentlik geniet. Die seniors het natuurlik weer die kamp uitgereg deur 'n paar dae ekstra by te sit. Hul was eers by Hartbeeshoek en het dit netso daar geniet (sien aparte artikel). Vra maar bietjie rond en as jy nie daar was nie... ek kan net sê: JAMMER VIR JOU!

Kom ons begin by Vrydagaand. Van vroeg af was daar sommer 'n hele klomp aktiwiteite. Ons het besluit om redelik vroeg te ry sodat ons 'n lekker staanplek kan kry. Half drie daar aangekom en glo my, daar is nog net 4 staanplekke van die 25 oor. Ek vat toe sommer die naaste een. Wat toe ook 'n lekker een was, maar dit was die gelukkige nommer. So tussen die Rietvalleiers was daar darem ander gelukkige nommers ook. Elmarie en Pieter le Roux, met Elmarie wat 'n duur horlosie en ketting verloor het en so ook Mel, wat oorsee gaan om afdrooglappe te gaan koop en dit hier kom skenk. En natuurlik ek, wat daarvan hou om motorruite stukkend te laat slaan en dan nie eers van die glas optel waar dit geval het nie. Alle grappies op 'n stokkie, ek glo dat Klein Paradys voortaan meer moet doen om kampeerdere se sekuriteit te verseker na die inbraak by ons en ander privaat gaste.

Mel het natuurlik verseker dat hy in aanmerking kom vir die Stomp van die Jaar. Lettie word in die woonwa ingeboender, Mel roep dan ander om hulp om die woonwa te kom skuif, omdat hy teenaan 'n boom stilgehou het. Die woonwa moet verskuif word sommer met tent en al en hy vergeet van sy vrou binne-in. Hy is so besig om soos wie weet wafferse samajoor instruksies uit te deel terwyl al die ander moet swoeg om sy woonwa so te parkeer dat hy die dak kan uitstoot. Mel dit gaan jou dalk later sommer baie kos. Verder het Lettie vir hom gevra waar die afdroogdoeke dan is – sy reaksie: dat hy dit op gehang het voor die woonwa terwyl hy dit daar laat vir skenkings. Hoe kan jy sulke dinge doen?

Saterdag het nogal heelwat reën gebring en almal was dankbaar dat die ete in die saal sou plaasvind. Gelukkig het die reën laatmiddag opgehou en almal kon droog by die saal aankom. Die voorbereiding van die kos het sommer vroeg al begin met baie helpers (vrouens en 'n paar handige mans) om te sny en kap en gou-gou was die taak klaar. Natuurlik het onse voorsitter, Tjaart, leiding geneem in die “delegasie-ding” en sommer gou is die saal ook reg. Daar is toe skielik sommer 'n ander sammajoor, sy naam is Pieter, wat baie kla oor die potjies wat half gewas word en hy stuur so wrintie waar al daardie potjies terug om weer gewas te word! Sy laaste bevel vir die aand is dat hy nie die verantwoordelikheid van die kos maak gaan neem nie maar dat dit elke ou vir homself is. So kon ek sien hoeveel mans (en vrouens) daar is wat as dit by potjie maak kom, daarvan hou om net agter die bord in te skuif en dit geniet. Gou-gou het almal se oë gebrand van

die “medisyne“ wat uit die papsak kom. Glo my daar was manne, soos Wim, wat kort-kort gevra het dat JP asseblief die papsak moet bring, terwyl Margriet teen die muur staan en trane af vee. Sy sê dat dit die rook is, maar ek sou dalk net so gehuil het as my geliefde so aanhoudend vir die papsak vra. ☺ (Toemaar Wim ons weet dis die groen jel in die papsak en nie die goedkoop wyn nie.)

Tjaart het heelwat hoogtepunte uitgewys wat ons bereik het en dit sal apart in die Rietstok vervat word. Maar soos dit Rietvallei pas, is daar ook erkenning aan heelwat lede gegee. Streeksaamtrek plaatjies aan die volgende Rietvalleiers: Fanie en Elsette Jacobs (10); Gideon en Helena van Zijl (10); Corné en Georgina de Wagenaar (20); Tinus en Tersia Fourie (20); Chris en Nellie Stander (80); Tjaart en Marietjie Klaasen (100) asook Wim en Margriet vd Berg (240). Algemene saamtrek plaatjie aan Tinus en Tersia Fourie (25).

Daar is terugvoer gegee oor ons gemeenskapsprojekte en in besonder die Helpende Hand Kersgeskenke aan minderbevoorregte kinders. Die vrugtekoek lootjie se trekking is gedoen en daar is meer as R700 hiermee ge-in. Baie geluk aan Annelien wat die koek gewen het. Chris Delpont het as Gebiedsvoorsitter ‘n paar welkome woorde gespreek waarna Tjaart uitstaande meriete erkennings aan Oom Neels en Tannie Rina de Klerk oorhandig het. Die stomp van die Jaar is ook oorhandig en Willem de Jongh het by verre uitgestaan met sy mannewales deur die jaar – baie geluk Willem!

Tjaart sluit af met “Vandag is Móre se Gister“ en Oom Neels doen die laaste gebed vir 2014 saam met die Rietvalleiers.

Pieter, Magdaleen, JP en die hele bestuur – baie dankie, hierdie bou jou eie potjie was voorwaar ‘n besondere ervaring. Almal wil na dese net potjies gaan koop. (Pieter jy moes maar die potjies teen ‘n nominale prys verkoop het). Wat van ‘n jaarlikse potjie-trofee vir die mees oorspronklike idee vir ‘n afsluitingsete, net om ons te herinner aan hierdie besondere aand?

Sondag het ons almal stil geword met die boodskap wat Ds. Francois du Toit van die Elarduspark Gemeente gebring het. Hy het ons ook bedien met die Nagmaal en so die jaar op gepaste wyse afgesluit. Daarna het die koektafel weer skeef gelê met al die koek en dies meer. Mel het die Senior se ‘Stomp-trofee‘ met goeie motivering aan Daan oorhandig. Daar is gesellig gekuier onder die bome tot almal weer traag terug is na die woonwa om op te pak. Enkeles het nog ‘n laaste vuurtjie gepak om die naweek ‘n bietjie uit te rek.

*Hans Koekemoer*

# Horison Sorgsentrum

Rietvallei het besluit om die kinders en personeel by Horison Sorgsentrum vir oulaas die jaar te bederf met Kerfeespakkies. Vir die kinders is lekkergoed pakkies opgemaak met hulle name op, om die uitdeel te vergemaklik. Die personeel het ook geskenkpakkies gekry met lekkernye vir die Kersgety.

Leona Kruger, Magdaleen en Jaco Viljoen het die pakkies gaan aflaai. Eetgoed is saamgeneem en daar is eers heerlik saam met die personeel tee gedrink en gekuier.



Daarna is die lekkergoedpakkies aan die kinders uitgedeel. Die kinders was so opgewonde. Dit is so kosbaar om daardie vreugde op hulle gesiggies te sien. Ook die personeel se geskenkpakkies is aan hulle oorhandig.

Rietvallei Streek wens die personeel en elke kosbare kind by Horison Sorgsentrum 'n baie Geseënde Kersfees toe!

## Caravans/Woonwaens @ Montana

BREEDSTAAT MONTANA PARK  
Sel: WILLIE 0827223925 / WIMPIE: 0769309634  
RITA (TENTE) 0826514774  
E-mail: [willie@zawireless.co.za](mailto:willie@zawireless.co.za)  
Webtuiste: [www.caravans-montana](http://www.caravans-montana)

**VERKOPE**                      **DIENS**                      **HERSTELWERK**                      **TENT**  
**HERSTELWERK**

### VERKOPE VAN SKOON GEBRUIKTE WOONWAENS

Ons het altyd voorraad van topgehalte gebruikte woonwaens. Alle waens deur ons verkoop ondergaan 'n A – Z ondersoek en word volledig gediens en geseël en dra 'n 6 maande waarborg

### IS JOU WOONWA TE KOOP – LAAT ONS DIT NAMENS JOU BEMARK VERSIENING VAN WOONWAENS

Ons doen roetine dienste op woonwaens – was en poleer- diens van hoekstutte-koppelstang-wiellaers en nog baie meer

### HERSTEL EN VERANDERINGS AAN WOONWAENS

Ons verrig 'n wye verskeidenheid van herstelwerk aan woonwaens soos houtrot, haelskade ens. asook herstelwerk vir al die versekeringsmaatskappye. Ons bou ook LUGVERSORGERS EN ELEKTRIESE YSKASTE in

### TENT HERSTELWERK

Herstelwerk aan tente en seile, vervanging van ritsluiters en gaas ens. Maak van nuwe tente, Rally tente, sykante, pale en tentsakke asook spesiale pennesakke ens. Ons doen ook weerkaats seile van versterkte materiaal

**KLIENTE DIENS IS ONS LEUSE**

## *Herstel elektriese heining*

Van die lede van Rietvallei Streek het op Saterdag 22 November 2014 van hulle tyd opgeoffer om te gaan help by Susan se huis in Ninapark. Susan werk by Horison Sorgsentrum en het ernstige herstel aan haar elektriese heining nodig gehad.

Die lede het die oggend kwart voor agt al aan die werk gespring. Daar is geboor, gekap en gewerskaf tot omtrent 4 uur die middag.

Die wat nie handig is met gereedskap nie, het gesorg vir kos en drinkgoed.

Aan Hennie Engelbrecht en sy span Zieg, Frik, Corné en oom Wim; BAIE dankie vir julle tyd en opoffering om vir Susan te help en haar te seën. Pieter, dankie vir die kos en yskoue drinkgoed.

Mag God julle weer seën op Sy spesiale manier!!



Horison Sorgsentrum

(012) 804 3626

*"The will of GOD will never take you where the GRACE OF GOD will not protect you!!!!"*

## Helpende Hand Kersgeskenke

Ons het hierdie jaar nie net bygedra tot die aflewer van gebruikte klere en artikels aan Helpende Hand nie, maar het vir die eerste keer as 'n streek betrokke geraak met die uitreik na behoefte kinders.

Dertien SAWA Rietvallei lede en twee privaat individue het ywerig bygedra tot geskenke asook kontant (waarmee bestuur namens die lede aangekope gedoen het).

Sodoende het ons op 26 November 2014 die volgende aan Elize Bezuidenhout (Solidariteit Helpende Hand, Andeon tak) oorhandig wat dus ongeveer 66% van die kinders op die lysies se ogies sal laat skitter op Kersdag:

Seuns alle ouderdom	38 geskenke
Dogters alle ouderdom	88 geskenke
Pasgebore – 1 maand	06 baba truië

**Totaal 132**

Die geskenke is aan die hand van die 198 kinders se wenslysies voorsien, en dit wissel vanaf albasters, karre, 'n wekker, 'n draagbare radio, Barbiepoppe, teddies, plaasdiere, brandweerwa, kledingstukke, juwele, skryfbehoeftes, plakkers, spuit- en badgoed asook handerom, haarknippies en rekkies asook vele ander items.

***Ek wil dus hiermee ook my dank uitspreek aan Helpende Hand Andeon tak wat ons behulpsaam was en die geleentheid gegee het om deel te neem, asook natuurlik, almal wat bygedra het, dit was voorwaar 'n plesier om hieraan deel te neem, pakkies toe te draai en om hierdie aflewering te maak!***

**Groete,**

**Tjaart**



Van die geskenke

## HARTBEESHOEK

10 – 14 NOVEMBER 2014

**Die seniorsbugers kamp nie-amptelik saam op Hartbeeshoek in afwagting van die streekskamp te Klein Paradys:**

Seniors trek saam op Hartbeeshoek  
Dis net lekker terte en koek  
Ons bly aanhoudend kuier en eet  
Kan ons dit ooit vergeet?

Dankie aan egpaar de Klerk  
Hulle kom kuier en staan sterk  
Die tent wat hul span  
Is klein maar voldaan.

Jake en Ina se boekie kan fluit  
Die voëls het naam en geluid  
Jan se kennis oor voëls is wyd  
Dat ons baie leer met tyd.

Margriet is ons dame  
By haar tent kom almal tesame  
Daar word gehekel en gebrei  
Want winter kom nou naby.

Linda ry net met 'Tiny' rond  
So bly sy sterk en gesond  
Fanie en Wimpie is meelewend  
Hul voorbeeld is waarderend.

Volstruis hou Mel en Lettie besig  
Met plaveisel skoonmaak nodig  
Water word verkeerd gekorrel  
En 'stomp' is die gevolg van die geskarrel.

Mynhardt word geflous met 'n raaisel  
Wim gee hom 'n gomstelsel  
Vir sy hout en spyker is daar geen oplossing  
En nou het ons nog 'n verknorsing.

Henry en Roekie ry dorp toe  
Die blade is nou stukkend en maan toe  
Dit word alles vervang  
So nou is hulle aan die gang.

Fanie en Elzette bly bedrywig  
En is net altyd te ywerig  
Om ander te help met verstel  
En porta potties te herstel.

Alida is besig met Justine  
Sy neem aanhoudend bestellings  
As jy kamp moet jy jou vel beskerm  
Teen wind en son hou Justine dit ferm.

Die miskruiers goggas is bedrywig  
Hulle hou die werf veilig  
Van landmyne maak hulle 'n bol  
En loop agteruit en rol.

Die span seniors stap saam in die oggend  
Hulle soek die groot vyf aanhoudend  
Daar word bokke en ander gesoek  
Net die klein vyf is om elke hoek.

Die kersfees braai en ete  
Sal ons nie vergeete  
Versierings en kos is te lekker  
So 'n gekuier is 'n treffer.

**MEL en LETTIE UECKERMANN**

## Senior Burger afskeid

9 Desember 2014

Rietvallei se seniorgroep kuier baie graag saam. So is daar besluit om die jaar af te sluit met 'n lekker kuier-oggend by Don Rose Woods se lapa. 30 Mense daag op en kuier dat die biesies bewe. 'n Spesiale welkom aan Willem en Martie Momberg (oud-lede), wat lekker saamgekuier het. Selfs ons voorsitter, Tjaart, kan nie sy nuuskierigheid bedwing nie en kom kuier heerlik saam. Dankie Tjaart.

Soos mense aankom en elkeen 'n bordjie eetgoed saambring, kreun die tafels na 'n tydjie onder al die heerlikhede wat saam met tee en koffie geniet word.

Almal word 'n Geseënde Kersfees en Voorspoedige Nuwe Jaar toegewens en hartlike gelukwense aan Neels en Rina de Klerk wat eersdaags hulle **60ste** huweliks-herdenking sal vier, asook Jake en Ina Erasmus met hulle **50ste**!

Die oggend word afgesluit met 'n kulkuns vertoning deur Ben van Eeden wat groot byval gevind het by almal. Natuurlik wou van ons nuuskieriges die instrumente inspekteer en arme Alta is gelooi met vrae, maar haar lippe bly geseël.

Mag hierdie wonderlike groep mense in 2015 nog baie saam kamp en kuier!


Margriet (en Tjaart beaam)



Towenaar Ben van Eeden in aksie.

## Jeugnuus en -dinge

Maak jou eie kersversierings:



Sny karton in stroke. 2 x 12cm, 2 x 10cm en 1 x 8cm



Sit die stroke op mekaar (12 – 10 – 8 - 10 – 12) met een kant se punte gelyk op mekaar. Smeer die punte gom en hou dit bymekaar met 'n 'binder clip' to droog. Of 'staple' hulle aan mekaar.

Doen dieselfde met die ander punte gelyk op mekaar.

Druk 'n gaatjie op die een punt met 'n gaatjiepons en hang op.

Maak verskillende kleure.



## Rietvallei saamtrekplaatjies

Saamtrekplaatjies toegeken aan lede:

Lede	Streek	Algemeen
Jake en Ina Erasmus	10	
Cornel en Annelien Fourie	10	
Fanie en Elsette Jacobs	10	
Gideon en Helena van Zijl	10	
Corné en Georgina De Wagenaar	20	
Chris en Nellie Stander	80	
Tjaart en Marietjie Klaasen	100	
Wim en Margriet vd Berg	240	
Tinus en Tersia Fourie		25

## Verjaarsdae

Oktober	November	Desember
Sonja de Jongh	Lulu Kleynhans	Annemarie Botha
Neels de Klerk	Hennie Maas	Denise Botha
Corné de Wagenaar	Pieter Viljoen	Nathan Botha
Anne-Marie Engelbrecht		Amber de Wagenaar
Lourens Gazendam		Henri Kahts
Henry Hill		Lizandrea Kahts
Steve Kleynhans		Henk Kahts
Mariana Marneweck		Willem Kruger
Naomi Smit		Leona Kruger
Chris Stander		Trix van den Berg
Margriet van den Berg		Gideon van Zijl
Alida Venter		Magdaleen Viljoen

## Huweliks herdenkings

Oktober	November	Desember
Willem & Sonja	Henry & Roekie	Tjaart & Amanda
Klaus & Anette	Chris & Nellie	Tjaart & Marietjie
	Henri & Anria	Tinus & Tersia
		Wilko & Naomi
		Jake & Ina
		Pieter & Elmarie
		Daan & Elize
		Hennie & Ingrid
		Gideon & Helena

### ULA'S PANDWINKEL

- NUWE EN GEBRUIKTE MEUBELS
- HENGELGEREEDSKAP
- HARDEWARE
- BEADS EN CRAFTS

De Villiers straat 156  
 Danville  
 Johan Vermaak 082 690 7909

# Knuppeldik

## **Marmite Tertjies (Elmarie le Roux):**

1 koppie meel  
1 opgehoopte teelepel bakpoeier  
½ teelepel sout  
¼ teelepel rooipeper  
Sif die droë bestandele saam.

Rasper 125 g margarine by die droë bestandele.  
Voeg ½ koppie gerasperde kaas by die mengsel.

1 eier  
½ koppie melk  
Klits saam en roer liggies in die mengsel met 'n vurk.

Skep klontjies deeg op bakplaat of in 'n kolwyntjie pannetjie.  
Bak by 180° tot ligbruin.

2 eetlepel margarine  
1 teelepel marmite  
Smelt saam en gooi oor tertjies terwyl dit nog warm in die pannetjie is.

(Maak ongeveer 24 tertjies)

## **Vinnige nagereg:**

2 koppies gegeurde yogurt  
1 blik kondensmelk  
Tennis beskuitjies

Pak tennis beskuitjies onder in tertbak.  
Meng yogurt en kondensmelk.  
Skep bo-oor die koekies.  
Bak vir 13 minute by 180°C.  
As dit afgekoel het, sit dit in die yskas.  
Eet as dit koud is soos 'n yskastert.



**Pretoria Oos**  
**Woonwakliniek**

Jaco  
082 372 8345

Email: trix.vdberg@gmail.com  
Kantoor: 079 740 7230

[www.ptaoswoonwakliniek.co.za](http://www.ptaoswoonwakliniek.co.za)

### Slegs Werkswinkel

- Diens van woonwa
- Skuif/Groter maak van islandbed
- Maak van bababedjies
- Maak en installing van ekstra rakke en kassies
- "Aircon"
- Waterrenk en geiser
- Groter yskas
- Ekstra kragpunt binne en/of buite woonwa
- Gasstruts onder die bed



**Pretoria East**  
**Caravan Rentals**

Various Caravans Available from standard to luxury.

Trix  
082 927 3267  
trix.vdberg@gmail.com

[www.ptaoswoonwakliniek.co.za](http://www.ptaoswoonwakliniek.co.za)

### 'n Paar Kerfees grappies:

#### **Ek soek 'n boetie vir Kersfees**

Seuntjie aan ma: "Ek wil graag 'n boetie hê vir Kersfees!"

Ma: "Daar is te min tyd daarvoor my kind."

Seuntjie: "Maak dan soos Pappa en sit meer manne op die job!"

**What do you get if you cross Santa with a duck?**

A Christmas Quacker!

**Who is Santa's favorite singer?**

Elf-is Presley!

**What do Santa's little helpers learn at school?**

The elf-abet!

**Who hides in the bakery at Christmas?**

A mince spy!

**Who is Santa Claus married to?**

Mary Christmas!

**Why is Christmas just like your job?**


You do all the work and the fat guy with the suit gets all the credit!

**An honest politician, a kind lawyer and Santa Claus were talking when they all noticed a \$5 bill on the floor. Who picked it up?**

Santa of course, the other two don't exist!



## Kampprogram



## Adverteer

**SAWA lede met besighede of stokperdjies, hier is 'n spesiale aanbod!!**

Ons sal jul advertensies plaas teen 50% afslag vir die termyn Oktober 2014 tot Oktober 2015 (ongeveer 13 plasings), maw selgs R125 vir die jaar! Belangstellendes kan gerus 'n voorbeeld van die advertensie vir Magdaleen Viljoen ([magdaleenv@absa.co.za](mailto:magdaleenv@absa.co.za)) deurgee.

